

集部

欽定四庫全書帳麗堂集卷款经

集部

詳校官監察御史臣范 東 中書日劉源溥覆勘 校對官待部 胡士震 總校官編修臣王燕緒 腾録監生 劉 淡

次定日事とき Son the second second Same Supplement 大学の子はは様子なからい Contraction of the Contraction o 人能使物不壽而不能以自壽天地 日東日理天地以運人以世花木以 18 18 A 懷薩堂集 李東陽 撰

通り口が石雪 能異人物以壽及其至也雖天地不能以自壽然天地之數 必得其壽夫首植德則時面盎背身安而氣和其所醞醸培 不免孩殤夭折之徒而黄髮個傳統而鲐者亦問見乎今之 雖有壽者猶将我之矧其未又有耶然方其鴻蒙敦雕也固 有恒而人物之壽無恒于人之中又百有不齊者于是數之 世何哉于是氣之就窮而言理者勝傳曰仁者壽又曰大極 不淫故其民壽中古以下質澆而欲滋及于後世嗟乎極矣 說窮而言氣者勝上古之時其世鴻家其質敦雕其欲寡而

植 甚哉意者其各自為用而不能相通形其或轇轉紛亂 斯有數三者固相有而不相無者是何其乖戾錯逆之 然顏之夫跖之壽恒不免夫君子之論於是理之説又 乎其間而真之辨也然則君子將何居曰理勝洪範 窮而天下質質焉不知其所歸矣夫有理斯有氣有氣 五福日壽富康寧攸好德考終命德者壽之所以成 而成終者也吾觀夫自古以降其有能植德者不壽其 自有不可已者殖私枪惡者反是此天下之通理也 2.10 ioi 2125 康乾堂集 九

於醫樂而不得則求之於服食而不得則求之於複會 身則壽其名及其子若孫雖其修短盈胸或不能齊而 其所享皆所謂醉盎而安和者雖皆謂之壽可也殖私 金兵四届全書 修身以俟之先其事而後其獲若曰有氣焉有數焉君 子不謂也令人以壽祝人人雖知其未必得必喜而受 巫祝之間則其說愈繁而愈不可通矣然則如之何曰 之以德勉人人雖知其可得壽鮮而悦而受者君子之 稔惡者反是雖不謂之壽亦可也及其惡也則求之 巻ミナハ

求婦女孩稚之劑教之曰某丸其散其者丸之某者散 愛之至也作原壽 方脈不能名樂物不習於炮煉烹煮之用以金購大醫 京師有女醫主婦女孩稚之疾其為人不識文字不辨 愛人也以德故祝之壽者必願之德願之德乃所以為 襲中與之雖誤投以他樂弗辨也然而婦女之爱其身 之載而歸人有名者携所購以往脈其指炙其面探藥 た...可良 h. 記 女醫 懷龍堂集

若子者舉其驅付之無疑焉幸而不至于丧敗捐穀帛 金贝四周在書 各之日不用女醫之過也雖士大夫家亦不免焉其思 治之者雖治亦弗之貴也其不幸而丧且敗者則悔且 命也非女醫之所治者雖名家術士未當信之其獨而 知之人隣里鄉黨州戚凡識知之人有疾者皆樂而求 金珠予之不少各其恒丧且敗者曰命也且傳引譽之 之幸而不至于喪敗則又引譽之其喪且敗者則又曰 隣里而不足則譽之鄉黨而不足則又譽之淵成識 卷三十八

醫不能治則之焉女巫者焚香飾盛服或被髮手刀奶 女巫者主呼召鬼物問吉凶禍福祛疾病凡疾病者女 誠有是誠有是成務首伏地不能起願殺雞羊澆酒化 自試以神其不能傷或衣錦衣腰數十鈴跳梁歇號或 不明亦甚矣嗚呼豈獨女醫哉 嘯以呼鬼且至則呼其先姓名 曰某為神甚為女神甚 為 El s. 10 not leading in 崇其為禍可粮可除惟令之從祈而聽者曰某之先 記女巫 完施堂集 四

者予恒慨之若是者将何如邪夫女醫者不過殺人之 楮以為謝益人之死者無有不為神神者無有不崇 禍焉者也又令圖其神之形于家以祀以禱乃棄毀其 身而巫乃能丧其心此其害又有甚者人不自爱其身 湛溺老佛亦未有若是甚者卜筮而下弗論也彼女醫 所事之主而鬼其親之身若是者家有之焉有所喜則 又不有其心其愚不明又甚矣嗚呼又豈獨女正哉 召女巫至皷舞號嗷以為福有所憂患則因以除之雖 且

窮矣若春木旺則脾土必重傷先君子憂之會有老醫 翻之心乎子與然日 嘻是也益是時子 優有妻及弟之 故得木而解彼謂脾病者不揣其本故也子無乃有憂 孫景祥氏來祀曰及春而解予惟問之孫曰病在心火 以樂補之病益甚則補益峻歲且盡乃相謂曰吾計且 食斯節斯寡幾至廢食氣漸於形日就傲醫謂為察也 予年二十九有脾病馬其證能食而不能化因節不多 7 ... 17 ... / ... 醫戒 東陸之東

予病脾時沈都憲時賜當對食退語人曰是非不能食 欲拯人之危難矣哉又數曰世之徇名遺實以軀命託 樂樂不過四五劑及春而果差因數日醫不能識病 丧悲愴交集精歲而病累月而愧非惟醫不能識而予 謂名醫不當補而補至于傲而其之悟也因録以自戒 亦忘之矣於是枯舊樂盡焚之悉聽其所為三日而 之庸人之手者亦豈少哉鄉不此醫之值而徒託諸所 食戒 而

食有一 止焉曰未可也如是者三盡一分使食肉一臠如是者 其飯以箸畫之為四分乃使食食下一口軟欲就肉又 食必準此為法及歸不閱月而食進 乃多食之過耳後鴻臚凌主簿遠為予言少時病不能 而器盡復問曰汝尚能食乎曰能曰不可子姑去凡 1.1日西上山土 至設飯內各一器將就食遽以手止焉曰未可也取 性惡膩汝未食而先以膩物因之安能使之運而化 一是問曰汝欲食乎吾教汝食異日可空腹以來 懷燒空具 往謝且問之叟曰

乎予聞之重有感焉越十餘年病再作皆用此法而差 金牙也是人一 之解勝者近夸勢勍者難敵而材力姜薄莫之敢櫻加 欲駕長艫逆巨浪揖山靈於岩際酹坡仙乎水中而卒 施其巧博物者無所用其智誠兹山之偉觀也竊獨擬 予當讀蘇文忠公石鐘山記壯其為辭以為善辯者無所 因録以自警 以逸步多艱寡聞成癖未當不攘臂三叫臨文長吁思 思石鐘山辭

人之好奇兮爰告予以嘉名思漢唐之閣辯兮匪坡仙 其孰明嚴圖盡其若兹兮目髣髴其遇之予固不知其 有石鐘之山兮恍若見而莫予征披山經以窮搜兮極 作思石鐘辭 地志之所載翳兹山之為靈兮此立乎吳楚之會彼夫 駁予聽之無方塞予處此一室兮獨何為乎此聲曰惟 **儵蛭鍧以騰越兮潜發乎予之耳傍既跌宕以旁擊兮** 莫可得也王君湖口之産官遊京師出所為圖祭我幽思 三)日道上江东 懷麓堂原

予南遊兮念長路之伊阻嗟昔人之凋丧兮徒下上其 考擊其猶在豈不可乎為名兮彼物也其何罪惟詞人 出乎一口或以形而與聲兮益旁觀而博取茍聖人之 之豪宕分筆鋒莫之敢當縱馳波於萬壑分寧肯度尺 為何物分又焉用夫難豁與噌吃別坡仙之所陋兮鏗 靈異之至此兮益始信而中疑夫山之偶得名兮紛不 銀戶口因白電 所遺分安知不出乎牧臭與樵重彼固知歌鐘無射之 而寸量予既不知其果不然分敢争衡於千古鼓蘭棹

嗟爾石鐘兮其如予何 大雅堂者番陽胡氏世居之堂也胡之先有振鄉者當 與於嘉名兮亦何害其為形也石鐘之山首萃而嵯峨 跡兮予獨滞此一邦也越怯慌惚紛不可名分曾何獨 求之山既不能以自鳴兮猿鶴聚而咻之相九州之奇 北上 元季之亂以鄉兵應韓邦彦累功授饒州路簽判為賊 C 1. 1 3 2 2 2 2 3 7 8 7 石鐘也豈刻雕而為之兮造物者之冥冥也縱不得 大雅堂辭 懷養堂具

嗟大雅之久不作兮歲月忽其不反世汩汩以競趨兮 以 趙氏携其孤叔儀問關還其鄉守節終身時有名斯堂 所得給之降醉其眾手殺數人事弗濟罵賊而死其妻 盡之弗務分魚殿亦紛其跳鄭民長長其無所歸分記 見顏波之既奔元社屋而人非兮歸斯堂之獨存當彭 傷之 暴其事者六世孫刑部員外郎韶以遺卷請予為楚辭 倅之能邺 既胡公之烈烈兮奮長戈而獨前顧吾力!

二美之不可東分俗母難乎獨立番之水兮匡之山流 清冷分衛孱顏鍾彼氣兮靈傑孰好気分可奸始將使 節以不渝分誓黃泉之同入寧不知身之可惜分惟全 終一死以自明哀彼婦之學學兮亦哀哀其兇泣身秉 義之為急亦豈無夫忠婦節兮誰使夫一門之交集信 而弗與吾豈甘霽雲之就縛兮寧為區寄而無成血余 欠10日年在100 口而罵弗絕聲兮亦何輕乎呆鄉諒萬事之不可為兮 之幾何分支大屬於既顛轉百戰而不少推兮胡 快遊坐集

箕裘兮後賢撫斯文兮若不可以復和徒一倡而三數 雲分下翔入我户分升我堂總雙袂兮玄裳名上史分 若有夢兮真之陽思倒景兮遡瑶光彼鶴兮何來挨 占之奄何為乎彼祥鬱住氣分葱龍覆萬門兮如益後 御史張君布載之生其母夢有鶴自天而降予聞而異 汙潢若此而自雪培樓若增而崎 近 彼 程優兮何人别 之從而為之辭 夢鶴辭 亦

欽定四庫全書 一 今超逢山覧園方兮在時俯點視分齊烟閱萬有兮獨 被占之祥分疇能以我為真雪為骨分玉為顏駕弱水 鷄髙翔分遠推樂場分喬若或內顧分如作鑑余影分 清連抗余音兮寥蘇縱曹分兮屢較天壌之間兮熟 我鶴鶴之生兮惚怳鶴之來兮夢想彼人之鶴兮非 獨紛分終祭望天門分我我振我羽分誰銀漸鴻分薦 中與外脫雞奉今聽輩回隔彼今塵壒編裳分兒多光 余子兮降神將有徵兮其類美姿兮修能潔冰霜兮靡 水质道来

古之風兮云邀騷之辭兮誰作吾寫吾騷兮吾寧以此 壽與四靈兮為羣諒兹語兮不愧彼曲江之人兮若十 今復不為勞寫吾心兮匪吾縣諒兹與今有託豈吾生 人分無寧以我為拙晨暉兮夜膏風燈兮露毫往不棄 為樂萬歌兮傷烈微吟兮愁絕寫吾心兮中結彼世之 兮不遭騷兮騷兮楚乏人欲寫而不可得空送子今江! 載而猶存 寫騷亭辭為葉崇禮太守作

青華主人建閥南與高居江渺構材為亭凳石為沿層 次至四事主 擇品不必富類不必解泥形為廷執象為惑子坐聽我 足以云主人曰君子設佩聖人取物匪名則嘉惟義斯 為檜相芬者為關孫山也水能莫可具陳彼藻之細何 日萬豪聚出厚植並分鉅者為板橡秀者為堂筠堅者 瀾碧級衆卉雲繞樹芳漱潔名之曰藻客有過者難之 藻軒解 懷麗堂集 ナ

言線之德夫藻者氣孕天秀根含地靈內東柔質外敷 素英不雕而華匪替其馨順時生者為孫命與物徒者 於泥沙客曰微哉善藏其用子既出矣請言乎動主人 為和光寧負潔以自濯亦何心於行藏客曰可得聞邪 主人曰窮海之裔荒溪之涯舟楫之所不至人跡之所 金安正月月日 日或載衣襟或登筐龍游以甘泉薦以方盤随末跡於 加以汗漫為方以波濤為家雖溷跡於州养寧委情 卷三十八

軌 其瞬 來其根楚佩江淮周歌澗繁桃李微奏維葛與蘋匏瓜 君子之斐主人曰嘻物貴實用禮戒彌文弗玩其華而 羣匪藻吾軒亦藻吾身下雪民隐上華國敷惟風夜是 知敢謝不敏主人不答党爾而吗 存以無負於吾軒客起再拜飲容棘吻君門巍巍矇者 行章列國所陳緊察之德於吾則均朝爾吾居夕吾爾 功雖者而不知其勞用非奢而莫悶其美客曰韙哉 君行濯濯瑕其可据包荒納汙解不我檳鄙人何 東院堂保 土

銀定四庫全書 卷視予因託問答以者其意其解曰 陳君料之以冷名庵舊矣比以江西愈憲考績京師持 冷殿襲中鐵光面發玉屑譚紛爐園不媛纊挾無温客 冬季之月隆寒初五積凌增丘飛雪断路冷養主人方 下惟閉户僑于熊山之下客有過之者但見空頻灑地 不為班窮不為處拖幽守寂冷何利焉主人曰我性固 曰嘻事有定分理有固然今子寒不為郊隱不為袁貧 冷菴對 卷三十八

頂龜 圻曾波沸湯石樂金流鳥獸過藏無部竟夫却扇 樹汁滴成漿氣吐成佛家絲若負揮筆如失無葛仙翁 埃漲輪名腸內煎欲火中燻獄銀者 為能吏手炙者為 冷自若也客曰地有炎限南海之窟歌気畫雞毒霧朝 之能王仲都環火之方子於斯時能保厥常主人曰吾 是也客曰天有夏令祝融煽陽赤龍為飛火傘高張野 曰吾冷自若也客曰煌煌要路赫赫權門勢焰騰天炎 水之神費長房縮地之術子遊其問雖冷奚益主人 東院堂集

蟲之疑也哉於是汲流泉煮白石餐清冰臨苦縣客亦 清夷冷之道其其予知也又安能移火鼠之智而郎 釖 吾固濯吾行操深吾心思松桂為徒霜雪為期將使儉 伐國者不問仁擬人者必以倫此獨何言而於我是詢 飛絕塵胡周旋其間而弗邮厥身主人曰噫吾聞之矣 人膽落而不復逞貪夫股栗而不自持矯彼煩濁歸 通人故月不可火勝玉不免石焚子不能遠走出世高 再拜飽冷之德願同晚歲為冷養客 近四庫全書 巻三十八 于

能編舉而不墜外由學校郡縣以至于潘憲内由百執 其風俗傷敗而不能問郭子儀之寬也李光弼以嚴 舉而其之絕猶弗舉也然則交承之際亦難矣若魏 事以至于你相職沒簡而人愈難得或得馬又不能 天下事非一人所能獨辨也官官而稱人人而絕 之旌旗卒伍精彩一變而士有憚色幾不能安乎其位 之嚴而絕以丙吉之寬時人翕然以為知大體然或病 欠配可量 Aimin 難贈楊質夫 操花堂集 十四 然後 相

統之不專也則置憲臣以領之天下之大欲憲臣皆得 多樂放縱而惡拘檢是自為異也朝廷惟士之不自力 則置為儒師又恐其不力於教而統之郡縣又慮其所 殊觀乃爾况未必當乎夫學校者政之一也而其務甚 其人者固難而前創後総殊上而異令彼以為是此以 金页电历台量 重今名籍給禀稱為士者未曾不志道慕功而 此其斟酌調齊之宜固各有在而下上之異議彼此之 非彼以為便此以為非便者多矣故當醫之農農師 卷三十八 其情 則

愈憲之任去年得吾友楊君應寧丁政之與力起頹廢 實総之議者曰應寧嚴矣非寬則無以有濟宜少貶絕 馬又挽之使不得盡其力此政之所以難也山 西提學 者固欲其鼓舞動相戒将懲情去根滕而培嘉未也業 墨以徇人之不能或曰學政之弊也蓋十弛而 遭弘怒而不悔不踰年以憂去未竟也四明楊君質夫 不動田不殖則責歸之然或時不均力不節業未及成 而農巴告率矣人熟不欲獲良田食嘉穀於此得農師 2 1.10 mm / ... 東建全果 4 張舉

天其要則難質夫以文學舉高第歷兵刑主事清慎守 習視今日之緩急而為之耳其固知懲羹吹虀之不可 在則理各有所宜某豈敢過莫於其間哉度時宜觀士 則易變則難其勢宜漸未可以一朝致也予當以質質 治而後治人之謂也某知此而已予曰政得其宜則易 為亦何截趾適優之足為尚哉然固有不可易者先自 夫曰子安從哉質夫曰皆是也天下事必有理事有所 於暫而不持於久未可以為善或又回與久則習玩玩 金」近日全書 巻三十八

贈之 之作行難皆有感而為之者予於是亦有感焉質夫又 約移政於所未試其無難焉耳矣肯韓非作說難韓退 予禮聞所舉士以予為知巴不可以無言也作政難以 欠正日早ん島 之然懼其激而過也稍為之所俾俯就繩尺盖其心始 而疑中而翕然更張之卒乃奮然嚮進若不我感者久 永興李生貽教從予将見其文奔放不可羈馬心甚爱 喻戰送李永敷南歸 懷權堂集 ナハ

聲西擊變化而無常者用也韓信以意用法故勝趙括 能讀書而不知合變故敗群萬徹好出奇不拘常法故 金牙口屋台電 旬 曰子知戰乎鼓進金退左射右刺者法也神出鬼沒東 予為之愕然以驚口有是哉既閱月生以别告予謂之 也生之丈豈不既律矣乎然而不捷者數也是未可以 之其名益彰同舉者未當不孫避焉及試禮關復失利 不大勝即大敗若衛青之天幸李廣之數奇者皆不論 沮而亦未可以自足也勉哉生乎吾待子於屈賈之

哉予猶懼生之文或過於博也故贈之片言以示約云 諡 疑發時抄録論議出人意表出而應試舉浙江解元登 吏部右侍郎無詹事府丞楊公諱守陳之卒也朝廷賜 聖矣易曰師出以律否藏 凶是豈獨於文為然生乎勉 者以其近也公髫中顏出讀書目五行下考正諸經辨 學柔克有光者也文之義十有二懿之義三獨取 **欠三日早亡** 日文懿按内閣所擬御筆所定益諡法所謂敏而好 擬楊文懿公諡議 懷養堂集 ナセ 北

考校為鑑衡模範的不可掩及播而為紀述制作之文 學士少詹事具舉業精確録于有司傳之四方又見諸 温顏而善誘之不煩懲割到艾之力而士多成材世獲 之言尤晚生輝筆所說望而不可及者傳之後世不卜 金河巴尼白量 其用居家雅睦與諸弟為師友無宿怨無間言處官除 奇锋健核脱凡化腐叙事寫物选出 層見偉然成一家 進士高第入翰林歷宫坊為編修侍講為洗馬為侍講 可知也夫是之謂文若開門授徒沒引牖導因才而教 卷三十八

時有若内閣學士吕公原及公吕公亦浙人亦舉解元 進士又翰林臺閣之地銓衡之任差若有殊而陷秩之 哉國朝文臣出自翰林類諡為文以文姬懿者惟英廟 美稱于一代其於干百世亦有徵焉顧非今之所甚難 行文見乎外懿兼乎內體用之謂也昔孔文子失於筋 身而不聞諡懿孟懿子不能守禮而不得諡文合是二 聞于耳祭名顯爵以壽自終夫是之謂懿文言學懿言 物舒坦夷之懷履平直之行而禍機不加于身嫉言不 2.19 12 /: F.5 來院堂集

議謹議 義多恩命楊令譽以俟來世亦其所得為者也遂為之 學士宋公濂華為議以諡之公諡出朝廷所賜雖簿劣 多寡年壽之修短以彼較此亦有可論顧其學行之賢 考諸諡法皆可以無愧矣東陽辱公爱最久不敢用私 金」近四月全書 嗣固不敢與有司之事而官在太史職專文學據禮析 為公累竊惟淵 應天府鄉試策問二首 顏吳公菜為書院山長不登仕籍而 巻三十八

去副封者有兵而以瓦壺焚疏者乃般之而不聞不用 從進干也或曰願為車變也或為賢為國非為私也或 相者也而自校簿書流汗終日者則知之而不能變白 錢穀問內史決獄問廷尉善論相者也而吏禮委延當 問天下之事處之必有攸當當觀古人之行而有疑焉 明楊士類獨少此也是何其事之異邪有入定大政 密格者有矣而以啓事選官者固先擬而後奏或曰願 刑法委渾者則以為不可分載其清静府中無事善為 C.) [] [] [] [] [] 虎龍堂集

獨 則 大臣莫知者也而兄弟熊語不及政事者有之有告君 異其人不可以不辨也是將以一言益一人一事益 之同邪夫人皆賢也而所施異其事事相似也而所出 其不静也諫官之舉則曰介入恐其青難也是何其事 補外入守少府者有被罷願留自至中書者布被之詰 有十説玄宗而後拜相有三奏髙宗而後議和有不欲 定 断雖舉朝莫奪者矣而力主新法不郎人言者有之 曰點忠政府之短則曰準直登聞之命則曰願入恐 四月全書 巻三十八

我言之 南畿多良田而賦亦仍舊宜其足供也而往往有關賦 也夫兵民之判久矣今不服遠引姑以時之切務言之 問古之論為國者曰食與兵此二者相須而不可關者 時者非邪抑猶有同而異異而同者存乎其間邪即 無田之室脈貸美意也而貧民或不蒙其惠勸借權 行之事以求當然之義則其言也非出位之言也試為 **欠三四年日** 之夫北畿多閒田而賦又甚游宜其足耕也而在在有 懷養堂集

籍此又天下之通弊也茲欲使民之家必給人必足雖 必有備禦之策肆練有法而作止或有未齊勾務有籍 下之恒事也兹欲使兵之戰以勝守必固雖有外警不 而 久矣然必有區畫之方關塞之外北戎之挫如屢矣然 有水旱不足以為害何道而宜領海之間南蠻之率服 也而富室或并受其舊儲蓄長計也而有司或虚有其 足以為患何施而效夫水旱者竟湯之所不能免也四 什伍或有未實票給有制而衣食或有未充此亦天 も万人三世

皇帝時則有五倫書英宗會皇帝時則有大明一統志 問國家開科策士必首舉聖製為問而經史時務次焉 次足口事在時 為之圖以求所謂久安長治者尚有經濟之志宜於此 尊時制也在我太祖高皇帝時則有大語三編太祖文 馬熟矣其悉陳之母隱 皇帝時則有為善陰隲孝順事實性理大全書宣宗章 夷者三代之所不能無也然則先事而為之慮及時而 順天府鄉試策問三首 懷養堂集 主

大意何居見諸序文者何説仰窺伏讀之餘有得於心 墨次第成編或分官察修手賜裁定顧其首簡必親製 及我皇上嗣位以來則有續資治通鑑網目或躬御翰 無益不體諸身而徒得其意者雖精亦且無用皆非 而 不可以一二指亦不可以頃刻陳也請問諸書述作之 佩服而體行者益已久矣王言之博大篇帙之浩瀚固 序文或総志補作以者述作大意天下臣民家傳人 願體諸身者何事夫不知其意而徒習其辭者雖 誦

皇帝駐蹕順天為億萬載太平之地今两京對時諸曹 論乎否也我太祖萬皇帝定縣應天肇開帝業太宗文 並置稽諸往牒亦有之乎應天形勝古有是論至于國 問古者帝王建國立都必在天下形勝之地三皇五帝 望於諸士子者盍敬陳之 三王之都史册所及載者果皆形勝之所在數漢唐宋 2/ 1.. 10 wat 1. talo 之間或以都名或以京名其制不一其為形勝抑有可 始足以當之若順天之形勝盖天造地設 康捷坐兵 王二 非 偶然而

所譲 規制太宗之創業度越前代無容議矣今地勝于古 得也而古之論者未始一及焉何也且體國經野必有 問禮者無隐孔子稱勿欺此事君之法雖微事細行不 大與宸謀屠葬之深且遠者以昭示天下後世其母有 銀定四月全書 兵之制遇閩之寄出于太宗之所貽謀者其亦可講其 其規制宜亦有古之所不及若漕運之法屯田之地衛 二邪諸士子生於斯長於斯將學于斯請言形勝之

辭以貧故者或係對得失稱客所為或為詳議官而不 胃籍他州者有訓子孫不得洗補官文書者有飲酒坊 左藏銀帛以受賞常懷數奏僅出一 隐其事或保郭極而不願易名或得智高不辨真偽而 兄子日日日 1.1 · 以野鳥為竒應以玉杯為秘物增部民户口以升秩奏 不以奏功若是者果孰難乎抑亦有優劣於其間乎若 市不飾他解者有齊所食內對上不隐者有不與遊然 可畧也古之人有入仕陳狀不妄增年者有不令子弟 懷花堂朵 二者有之私書僚

佐勿令上知者有之若是者果孰甚乎抑其情猶有可 金分口居有量 今近古者莫两漢若創業如高祖守成如文帝中與如 問帝王之馭天下必有詔令以宣德意振紀網施政立 原者否也夫論人者必以其世鑒往者可以知來善可 事其用至大唐虞三代之典謨訓語不可尚已後之詔 日矣請言其志 以法而惡可以戒也諸士子較藝而來階是以入仕有 會試策問三首 巻三十八

者於三君之外有所未恆乎恭惟我太祖高皇帝天縱 光武約法關中民惟恐其不王布記山東老贏至扶杖 德大業振古所無如正網常明禮樂重教養訓官職慎 辭嚴義正直追古帝王而上之餘不足論也當時文學 固疆圉控制邊鄙詔勃所布皆親御翰墨或口授意旨 聖神縣天下之豪傑掃為六合望斯民於往席之上盛 而往聽領長安市者决聖主於一見焉其感人動物亦 不可誣也及王通取七制以續聖經而說者以為借意 Marsh (See , 250)

致定匹庫全書 侍從之臣往往極其偷揚替述雖未盡其大而亦有得 其既者今令播天下副在有司或板刻南雅建訓後世 而不 皆士之所宜伏讀而卒業焉者請著一二于篇若由之 是升周廟七矣又有所謂文武世室者數不足定乎或 皆立五朝至周始立七廟或謂自古皆七廟其為說孰 問廟祀國之大事而挑與給又祀之重者或謂唐虞夏 謂給以七月或以十月或謂有時給又有三年之給将 知則凡民之事非所望於諸生也 本を言する

是非得失可悉言乎找朝列聖絕世百有餘年議祧議 撼於給與遷於給熙亦復異說而朱熹有復古之議其 决而韓愈有不可之議宋之給行於嘉祐矣當時諸臣 給固其時也今天子當下廷臣集議正德祖之位奉祧 於治平還於庭寧論亦不一而 有請太祖東向者有請依故事虚東向者宋之僖祖遷 安從乎漢之廟制不暇論已唐之獻祖既不合食建中 臣有請選別廟者有請正東向之位者二十年然後 程順有折表之說其後

職矣請敬陳之 前代何所合乎諸士子當聞姐豆之事行且有駁奔之 懿祖制為夾室肇行拾祭之禮誠一代之威典也其於 問國之資於人者二日貢獻日工役其所以予人者亦 欽定四庫全書 陽龍役汝南傷民則銘屏以懼之上陽導修則効罪以 之論議政事古風尚存乃有卻十里馬焚粗頭表関市 舶者有不受之命進良馬者有對仗之刻露基借金洛 二曰官爵曰賜齊皆有常制古所慎也中世以後君臣 卷三十八

然者何也聖天子即祚之初止潘聞不得私獻禁那縣 久日日早日町 I 齊太廣則請聽两府之辭其慎如此然亦有難易優劣 於其間乎夫有君有臣則有是政而觀於此亦有不盡 不得擅役清名器於既溷之餘號服色於已頒之後真 郎將寧失平江南之約而尚惜使相敞榜以待有功佩 欲授之秩而或以為不當授寧抑得黙吸之功而僅授 刀以姓佐命神策之賞難絕則議分邊軍之給國丘之 免之對禽獸者欲拜之官而或以為不當拜獻瓜果者 懷起堂集

古者聖人重農為治舜命十二次曰食哉惟時箕子飲 師之規可乎 所當守事所當戒亦必有可論者試畫一言之以助官 金以 各戒其事不徼龍以為利展幾神聖德而成聖治其職 將順斯美而無所自默茲欲各守其職不違道以市功 足以兼總百王垂訓萬世矣吾曹百執事之臣果盡能 豊年 政一曰食孔子論政亦曰足食故詩稱豐年春 頌閣試 卷三十八

火足日華白書 一 畿内及山東之地 實先馬于是朝士大夫相賀道商旅 老于朝伊順天尹諭以務本作業蠲除之部振邱之令 于祖宗躬耕籍田以示先天下每月朔日報進畿內着 惟吾皇之德信如着上提如影響無有違逆於戲盛矣 相爱野之民老稚癃疾聚而嬉遊起而歌呼惟天之靈 見于比歲者益至再至三于今矣乃成化甲午歲大熟 臣待罪史官擬為頌歌以紀盛事臣誠材識早潮不足 秋謹咸事其所緊甚重也今天子既受億萬民命于天 懷薩室集

製以酌朝養夕後永以終樂民食于難顏石則多既飽 茂恭称孔碩不荒于粮不害于滕相之勃勃其來釋 而遺困有藏餘民之祁寒卒歲是謀有過有繒中襲其 維民接止百力具作載車載京載車載緊以果我賦以 帝十祀雨陽時脩農夫告言曰有豐歲其歲緊豐熟肇 **昭于上下用供能祈天永命之實則不敢關也頌曰惟 厥同維甸之封于山之東維民播止于彼原隰種稑既** 以鋪叙德美闡歇瑞祥至于推本陛下敬天勤民之意

大惠有開明堂敷德納祥西儉于贏西做于康皇曰子 賓友熊喜惟皇邮民不追寤我有振有發有蠲有貸民 庶力爾未事进休四方以報上帝 日子摩收勿謂民富 之生矣惟皇之賴今天降釐嘉福來萃曰此豐歲皇有 襦道塗其幢民亦云徙今入其室父兄婦子以及問里 無亟其逋俾我民厚民拜稽首皇德斯懋維德之懋皇 た ?.. ! O Lot 1: 1... 有萬壽展幾終祐以淑我後小臣作歌敢告左右 瑞 麥頌 懷聽空集

積如踊皇德斯播于植于動維此瑞麥曰帝之龍 維 維多在田載耕載縣脈我手足幼我耜銀以夕以朝中 心孔怕載抃而謳于歲之秋曰兹豐年維我民勞 金分四周全書 田有麥載被其隴既堅既實歧歧總總我場我職其 歌上德昭農事也 瑞麥須豊年也和氣旁達嘉麥效祥須聲作焉以 卷三十八

清海晏知中國有聖人文陳干羽于两階武汛烟氛于 皇之震出屬國運之豐亨原步龍行識太平之天子河 册之光故聖誤暨神器俱傳而功業與文章並顯憶憲 伏以君明臣良極一代治功之盛父作子述垂萬年簡 我穀恭維年之祥祈不我拒以偏率土于天之下于天 之下永荷皇嘏 天監帝德亦念民阻噓以和風渥以甘雨始我嘉麥及 擬進憲宗純皇帝實録表 東北江王

絕五朝之實録承玉几垂衣之命念青宫授簡之恩於 網 铋 述祖有功宗有德議隆九廟之儀文左記事右記言思 八表復鴻名于景泰漢高之大度弗如上微號于聖慈 虞舜之尊親斯在重儲嗣則者文華之訓明史學則續 之褒崇聲華赫赫以無前靈爽洋洋而在上望遺弓而 百司庶府之攸藏合九服諸潘之所輯曹分館析網舉 定 目之編於佩三千聽橋門之警蹕豆選十二增闕里 睇繙住牒以傷心欽惟皇帝陛下道盡君師孝兼総 匹库全書 卷三十八 **設定四車全書 | 10** 山之带礪 令之籍監于成憲確乎家國之蓍龜治厥孫謀遠矣河 伏願藏諸便殿副在秘書上以産乙夜之觀下以備甲 地之運散見于日星之餘涓滴之勤仰禪于海嶽之大 集敢自謂劉知幾之一家式自古稽奚獨遵沈既濟之 五例德輝下照炳若丹青善惡具陳判如白黑展幾天 目張大而典章政教之施細而名物度數之備功由衆 擬册立皇太子賀太皇太后表 陳龍 堂具 幸

均戴恭惟聖慈仁壽太皇太后陛下聖同坤厚慈若春 伏以居宫聞而母天下養已極於两朝閱子姓以及曾 駕絢爛交陳桂殿椒房鬱蔥旁接親仙顏之載悦識內 炳耀籍實發之餘輝少海淵澄出銀黃之正派鸞旂鶴 有子之塗山德比周姜親見斯男之太如乃值佩萸之 温仁包海宇以為家壽與岡陵而並等慶延夏啓選從 孫年未瑜於六紀天体滋至國本彌尊率土交歡含生 月重占統電之祥采與議之攸同謂皇儲之當豫前星


恩沾俯育身際竒逢報稱心勞揄楊力薄聽部音而獸 觀載籍所記在古誠稀學有宗社以來於今尤盛臣等 教之夙成下以貽哲命於初生上以應嘉名於長樂博 祝萬歲以無疆 舞望高嶽以山呼紫禁深嚴懼寸誠之莫達金既單固

钦定四車全書 !

棒種堂具

Ē

200(20)		 	 	
懷養堂集卷三十八				/2012 / / 1
卷三				
ナハ 				老三十八
i				
				_



底極盖三邊去京師數十里國家承平富庶已越百年居中 事故以計未然者為喜事圖永久者為迁談沿襲因仍莫知 今草枯河凍風高馬健賊北無所獲計當復西西必復度河 由総今不度明年必来咸復一歲為患滋甚所宜深防曲愿 廷命将出師天威所至难伏鼠竄無有遺者然其獨掠丁口 夏之豐而論遠疆之僻處冠裳之樂而謀兵革之難者無怪 以消未然之學為永久之圖也議者恒以邊方警報亦是常 驅逐生畜所發已多况惡草難去而易生奇疾難攻而易動

雖草強禽彌亦不為難惟陛下本懷以武功妨文德有 以來未有衰于今日者也夫以全盛之師財極衰之賊 宗親御六師敢始北通衛時累月振旅而還迄今敵衆 萬少者亦不减其半逮至于元遂混一統自我太祖太 之盛時不收幽朔而靈夏之域旋亦棄去漢唐疆字雖 離亂交離互噬其數不滿數萬不能當我一鎮自漢唐 乎其然也臣竊觀泰并天下而長城所築近在洮延宋 K I CHALLY TON COLOR 廣而和親歲幣所費不管益盛哀情形不常多至數十 懷聽堂集

|時其不攻恃吾之不可攻國有所恃而盛民有所恃而 所不暇以中國国小既有所不屑而職兵事者乃或不 **表亂保邦于未危兵法曰母侍其不來恃吾有以待也母** 解者此臣所以夙夜而不能忘也臣聞之書曰制治于 加之意使其窺覘糾結為國大患至于民罷兵弊而不 間誤豫其明也號令賞罰豫其行也故曰以治侍亂以 其利也城郭溝輕豫其固也作止圍援豫其習也作堠 安士有所恃而力故飽餉屯種豫其富也弓甲鞍馬豫

之弊起於因循而成於蒙蔽今堡伍所聞者方鎮其得 賊去而莫窮其處是直法之過哉奉法者之弊也天下 方數千里而士優告餓鹿寺繁列而馬無留良武庫充 經理區畫可謂甚精體統節目可謂甚備然轉輸之地 能待人而顧為人所待其不顛倒錯亂者寡矣今國家 Chilo upt history 静待醉者治其心也以近待遠以飽待餓以逸待勞者 治其力也如是以戰戰則必克如是以守守則不危不 而用軟头措城堡基布墩埃相望城至而不知其期 陳乾堂果

賣罰故也軍細柳御轡不馳授到江南副將失色其委 當今之弊或者其專在乎此也古之論將者曰委任曰 輕然責其得失且曰我不得專也提獲有雅失機有律 其賞罰之審如此今館章而拜東銭而行委任可謂不 任之專如此受能追陣誅及神官曹彬成功尚惜使相 則去夫人之情豈不知所釋哉故臣當夙夜及覆以求 多戶四屆全量 而什一也方鎮所聞者部曹莫得而什一也如是則安 如是則危如是則祭不如是則辱如是則留不如是 卷三十九

断舉一 後可以髙枕而無屢矣况區區者惡足為西北患哉故 安危民之休戚皆繫之將而其言如此復何望哉臣願 其職繇是而糧的可充器馬可利城塹可固練習可問 疏遠不棄罰一罪則貴近不疑如是則人華其心官奉 陛下嚴簡權之法省然督之制覈功賞之實奮威刑之 斥諜可明號令可信雖廣而八荒之表遠而億萬年之 賞罰可謂不關然考其勸懲則曰意不在令也夫國之 將則衆議必簡任一人則羣疑莫奪賞一功則 東流至果

甚 **搬其大端為陛下獻至于形勢名數之細亦條具一二** 愚閣不識大計臣不勝犬馬倦惟陛下俯賜覧觀去 臣曾夙夜及覆以求當今之宜或者其無出乎此也敢 天道弗順九旱瑜時民展驚惶朕甚憂懼凡軍民利病 到近四年全書 于後與利除題則有司存惟在陛下衙而行之耳臣誠 奉勅諭 應部陳言奏弘治六年四月二十七日節該欽 卷三十九

等處地震有聲半年之間奏情累至誠有如聖慮所及 賦所出养為荒區瘟疫流行賊盗交作河南寧夏遼東 時政得失獨文武學臣條奏來聞欽此臣等俱於午門 以尚且夕之命蘇松嘉湖諸府縣而經年大水横溢財 未種或餓死道途或典賣兒女或流徒他鄉争程競渡 抵淮濟西連襄隴赤日拆地黄塵蔽空冬麥不收秋穀 春缺雨風霾時作井泉多酒自都已畿甸東接齊魯南 飲定四車全書 外跪聽宣讀聞命驚惕罔知攸措臣伏見去冬少雪今 懷養堂集

者臣退自修省以為災異之來皆臣等諸司不職所致 懼之盛心也臣被推先朝經塵侍從禁署清街華衣美 仰蒙陛下不即譴責曲加戒諭蠲滌舊過勉圖後功而 理之源經傳乃致治之法其勢似緩而實急其功似淺 又引歸聖躬博采羣議以共答天意此古帝王遇災而 心却愧內不自安而職在講筵不闋政務惟君心為化 食皆朝廷之恩渥生民之膏血三十年來畧無寸補無 而實深顧講讀有時章句有限宏辭與義未易悉陳當

格言要論切於君心治道臣與二三講官已散聖聽而 沙 足四車全書 失如陛下所欲聞者以類附焉陛下倘不棄其愚腐 未悉愚見者析為數係極論其理而軍民利病時政得 貢而極言勤儉為治之理又聞唐在郎半歲不問經表 慕宋范祖禹講月令而深論誠於奉天之道林機講馬 年之内輪侍日講亦用此書今不敢遠引謹摘孟子中 **曠實又過之近臣於五月二十二日經延輪講孟子两** 則謝以無功李絳踰月不訪理道則自惭飽食臣之康 快養堂非

採擇 惟天無親克敬惟親孟子此言實得之子思傳之孔子 賜覧觀則錐報講之際如對聖賢然居之時若臨臣庶 者如成湯六事旱冷遽銷宋景一言熒惑立退不可誣 生可安國祚可永也臣不勝大馬倦倦一 也臣竊惟天人之應捷於影響故書曰惟德動天又曰 于以見諸實政施及羣生展幾天意可回災異可弭民 孟子曰至誠而不動者未之有也不誠未有能動者 開具以俟

天監之在前雖處深宫常如民瘼之在目不以正心誠 磨以思民之飢服一美衣必思民之寒雖居暗室常如 物必思天命所當予罰一罪必思天討所當如御 以文而不以實也臣願陛下齊明治心勵精圖治賞一 效愈難意者於初政之善有未盡合乎抑應天之政或 早虐尤甚陛下露禱于中羣臣齊戒于外計日彌久獲 **光感應之理的然可觀近二三年休徵弗應由冬入夏** 也臣伏見弘治紀元以來二三年間天地降祥雨賜時 Mr. Inch Committee

者彙為卷帙以偽覧觀度政之付在有司者限以旬日 費貨財復傷治體且往歲不祈而自至近年累禱而不 應其有無真偽不辨可知陛下初納羣臣之議嚴囚禁 多累月經時幸於一中偶獲者有賞而不效者無刑徒 者不為紙上我桑之故事將見和氣充塞雖欣交通天 意為可厭不以天道幽遠為不足徵災異之奏自郡縣 金戶四屆百言 意不回雨澤不降者必無之理也若齊醮一事誑誕尤 必令覆奏使議朝政者不為道旁作舍之空談拯民災 卷三十九

故用人之非不足過適行政之失不足非問豈真以為 治之累亦應天以實之一端也 不足適不必問哉盖心有不正則雖適一人之非 上涉于天以經咒干賞發者並加斥絕永不為太平里 華近因禮部之言即令停止請對自今日凡事関祈禮 不勝其滴雖問一事之失而有不勝其間者所以甚言 孟子曰君仁莫不仁君義莫不義君正莫不正臣按 君一 心萬事根本根本既正而後天下可從而理也 報達生果 而有

後明必有所緊而後定不然則衆欲交攻奉言競惑不 格物講學者格致之要也宋蘇軾進端午帖子曰始覺 此盛暑九旱之時澄清聖慮保爱天和慎重遊宴調節 地當宴安暇逸之期有不知其自失者矣臣願陛下當 于聲色必于貨利不于奇巧必于幻妄以崇萬貴富 深宫夏日長只將無逸鑑興亡王嚴叟因侍講奏曰陛 心不可不正也然正心必先于誠意誠意必先于致知 金元人也不是人口 下退朝無事以讀書為樂天下幸甚故心必有所啓而

一孟子曰詩云經始勿亟庶民子來謂文王作靈基戒 得其當者不然則雖發言盈廷積疏成案一雨之後旋 之地凡用人行政弭災名和舉而措之引而伸之無不 使義理融徹根本不移辨天理人欲之幾為體驗擴充 解置諸左右時一緣閱用代温書以俟秋京仍舊講讀 以為陛下獻臣不勝至願 復置之度外矣何所益哉臣當再講孟子此篇今復敢 飲食每朝謁两宫裁决政事之暇取累年講官所進直

次定四車全書 一

懷極堂集

務殷累歲頻年未曾少息見在之數或不數于坐派停 養軍軍出力以衛民二者交相為命不可偏有重輕者 而已豈能得其心哉臣切見兵民既判之後民出財以 之際又從容慰拊惟恐有傷故不惟人不之怨而反為 而得民之心益其為墨為沿皆與民同樂之處而經營 之喜不然則雖嚴刑以驅之峻法以持之抵能用其力 民以勿速而民如子來趨父事也古之聖王用民之力 也今諸營官軍本以壯國本制外患而操練日少工作

人とこれ

加而盛暑祁寒未曾不免今縱以為緊急工程不可終 若不督之為愈也臣伏見山陵太廟工役之重無以復 之聲上干和氣比者諸司屢當執奏陛下愍其勤勞量 止之記或遽移於陳情使其精力消憊志氣推頹嗟怨 廢亦宜俟雨澤既降秋氣稍凉然後再圖修治則所緩 天下而盛暑樂金流汗成血兼時倍力困苦益增又不 以停止為請朝廷以督併為名恐名實相違無以昭示 為停免而如金水河昌國公墳等處特令情完夫有司

火 足四事主馬 一

懷養堂集

鼈不可勝食也斧斤以時入山林村木不可勝用也臣 金写日人 爱養之然後享其利于無窮然欲節天下之財者必自 養士氣於推傷之後亦弭灾名和之大者也 仍照原降記書一切停罷則可以慰人心於因迫之餘 不過數月之期而所息不啻萬人之力其餘不急之務 君身始故曰以一人治天下不以天下奉一人夫天下 孟子曰不違農時穀不可勝食也數器不入洿池魚 天地有自然之利而其生也有限故君人者必搏節 卷三十九

至漸出關外一二百里其他賦稅大抵皆然天下之地 重之上哉若京師市鋪光禄寺科派太繁供應之物急 計口數物于都邑之內基省之間何以知之而况於九 魚荒河泊歲課多用折納易州諸處柴炭所需林木已 根樹皮掘食站盡繼以人內荆沔諸湖魚產極富水竭 財盡其勢已極姑以三者言之山東諸府穀麥所宜草 不以奉一人將誰奉乎不私其有之謂也今天下民窮 處而不貧萬物之利無一物而不盡今據圖按籍

少三四車 全書

懷養堂集

+

賣由此數者兹欲蠲租减税則國用不充二者之外別 合而止仁宗夜思焼羊息飢不索恐天下遂以為何有 而節用一事尤萬事本根宋太祖欲造熏籠以條貫不 無長策惟雜泛差役及額外科派請下有司痛令裁省 但其起例太重今雖漸减猶未甚輕商買利微物價增 於田賦買辦之使亟於惟徵官價不充動踰時月國門 一稅最因户部委官張鑑過於侵剥嗟怨盈途商買幾 陛下洞見其情降旨切責然後買選不滯天下歸心 卷三十九

日五七十二

經營極力裡補者不過分寸之益惟陛下一轉移幹運 前代近法祖宗上警天心下憫民命凡羣臣百司隨事 倫書君道篇節儉類益將為萬世法也臣願陛下遠稽 以為子孫法朕常守先訓不敢忘宣宗章皇帝載在五 天下者豈少一薰籠焼羊哉益索一物必有十物之費 C sul Class list. 自念當惜福昔皇妣躬補緝故衣皇考見而喜曰正可 敝垢納而復出謂侍臣曰朕雖日十易新衣未當無但 而其弊猶有不可勝計者也我太宗文皇帝所服裏衣 陳麓堂集

濟未見准行臣惟京儲固重歲給尚贏若限數借撥量 財盡粮竭已無餘策近者廷臣屢請漕運官粮量留脈 極夏麥絕無秋田少種種亦未保巡撫等官極力區畫 則治本比於醫國理亦宜然臣竊見山東等處災傷已 體塗足有不暇顧若事勢牵掣不能两盡急則治標緩 間而天下受無窮之福矣臣不勝懇悃激切之至 溺之待拯焚之待採其情嘗急赴之者雖焦頭爛額沾 一孟子曰飢者易為食渴者易為飲臣惟民之困苦如 卷三十九

云

四月白書

議行漕運官借撥一百萬石少亦不下五十萬石及運 價輕賣計歲還納似亦無妨臣請對自宸東特命户部 舟未盡之日扣計後船於臨清等處水次倉分納令收 失本數則朝廷豈斬此百萬之數不假以一二年之期 雅之間稍加調停脚價之耗別為計處使粮官雖遲不 年豐熟量價雅還後年運舟分帶至京亦不為晚惟粗 糧委官監羅以濟其急而留貯價銀用為難本以俟來

大江日野在地

武况運舟後至者多為軍衛貧窘力不能前歲歲稽延

懷聽堂集

<u>+</u>

為無益也 愈久愈困使得稍免半途早還暫息以圖後功亦未必 一孟子曰仁政必自經界始臣按古者經界之制所以

巻三十九

均井田平穀禄今雖制與古異而分地納稅各有定業 則富者愈富貧者愈貧小則争大則亂必然之理也臣 其間貧富固不能齊若豪強得以兼并姦巧得以侵奪

竊見畿前等處姦民惡黨競指空間田地以投獻為名

藩王世家軟行陳乞每有賜子動數百項得請之後標

大足四車全書 終於得地歲復一歲當何時而已乎臣請自今以後除 朝廷雖屢頒禁令俞允繼之投獻者謫罰相仍陳請者 立界至包羅村落發掘墳墓訴訟之牒纏綿歲月冤號 許陳情者無效則投獻者自止占籍之民庭不惟兼并 官有籍册者上俟處分其稱為空閒輕乞管業更不賜 有主生齒既衆地豈有遺故凡以空間為請者皆欺也 既失國體又虧上下之間两無所益夫天地之物固各 之聲震動遠邇往年固有聚衆持刀歐傷內使者民心 懷養堂集

賴以教者在將的養之無法教之無方而欲其臨難遇 方面等官横被戕害又變之大者固由紀律不嚴事出 敵赴湯蹈火不可得也臣聞廣西之地近因軍糧不足 金りて 以致官軍置開幾成大變及出軍之際蠻賊截途總兵 之大不過教養二事而已軍之所賴以養者在府縣所 侵奪之害而有司亦免覆勘之勞矣 孟子曰君行仁政斯民親其上死其長矣臣按仁政

意外而旅進奉行坐致奔潰不聞有挺身犯難以相捍

罪不敢悉聞數年之後此地之患未易言也攻守之議 村落狼貪蠶食無月無之版圖雖存人户漸耗有司畏 儲蓄審計折價母得仍前缺乏非 之事不必重陳但賊勢方張散滿山谷攻園州縣占據 禦者實亦教養失道氣沮心離故頭沛之間視為秦越 之餘歲頗豐熟臣請下巡撫總兵大臣亟議方畧措置 必先兵食今官軍土兵尚皆可用惟糧為乏近間荒飲 人心國勢所緊非輕朝廷巴問罪伸威弔生郎死既往 記り再とかう No. 懷養堂集 惟足用務使有餘 十五 鈥

增給 到 氣 後可以責斬馘之功期為派之效臣又聞西北諸邊軍 用之者也然必定為輕重之等而於其疑者則寧舍重 未然之患可監于前臣請申明禁 孟子曰省刑罰臣按刑者聖人輔治之具不得已而 分四月白書 就輕所以體上天好生之心以為民生也今之五刑 折價十分為率給不過二三分禁例雖嚴莫知改革 漸揚則攻守之間惟所用而無不效矣 仍計其耗餘謹視出納 起三十九 以供官用使人情少慰兵 約依本地時價量為

華戰尚少過差在外諸司或倚法立威答杖之罪往往 最輕者為杖為答雖杖有分寸數有多寡極為詳慎獄 訟既多人苦難制乃有橋輕以從重者在京法司家通 置之不可復生之地傷天地之和壞國家之法莫有大 2 3 1 DE 1:45 於此者假令以一時之暫一二人之少該諸過誤理或 於是第人重者為能吏殺人多者為好官習俗相承日 至死補立卷案旁引醫証縱令事覺不過以因公還 以彌甚夫挺之與刃刃之與政其殺皆同以極輕之刑 懷機堂集 十六 職

醫 剑 此 有 有之而多者數十甚者數百乃緊以因公自解豈復知 除名之例偶不出此則謂之因公一名為公雖多無害 上本律 所懼哉今故勘平人者有抵命之律刑具非法者 舜四周全書 則情重而律輕者不可以不議也臣請除已往不完 自今以後凡拷打輕罪即時至死累二十或二十 不至殺人尚有降調之例以此法當此情似不為 証人等并治以罪且律不可易而例可增今科 外仍令吏部法司議行降調或病死不實者 卷三十九 罰銀 有

舜而已矣又曰責難於君謂之恭陳善閉邪謂之故釋 次定四庫全書 情養堂具 君之大也開陳善道以禁閉君之邪心惟恐其君或陷 亦可以為殘民之戒也 舜之世人人得言者以竟舜能容之也中古以諫為官 之者曰人臣以難事責於君使其君為竟舜之君者尊 於有過之地者敬君之至也但責善之論易至犯顏閉 邪之言類多逆耳順適者可喜而觸忤者難容故惟免 孟子曰欲為君盡君道欲為臣盡臣道二者皆法克

俊者言事尤難特加超雅天下之人歌頌聖德皆以為 **堯舜復出也間有言事狂直上煩譴責者詞雖大態心** 實受君既示磨確宜加收拭近者羣臣交章請赦彭程 臣 言事之臣汪奎蕭顯徐鏞等多由貶謫次第叙遷如林 言者亦少願治之君常勘其直而容其過所容者愈難 至於十數已蒙恩旨令該部看詳必有聖裁臣無容議 其為德愈大矣仰惟陛下即位之初大開言路先朝 切見任儀所坐亦以扶持國體非為私謀而小小

尊者置之髙位界之重禄改容而禮貌之能以才言故 沙定四事全等 惜宥此一二人於後以答羣臣之請慰干萬人之望哉 心也 臣近講孟子此篇因推論此事臣之愚亦堯舜吾君之 差未常消雪今當陛下求言之日而不有以言得罪之 立於其朝矣臣按賢能皆天下之士賢以德言故曰尊 臣天下之人孰知所嚮陛下既已復數人於前矣亦何 孟子曰尊賢使能俊傑在位則天下之士皆悦而願 懷養堂子

或經糾劾或經然駁肆訟毀之辭為報復之計此風 書侍郎都御史事下有司互為勝負使其為極惡大罪 行漸不可長况其所奏多涉誣罔上煩聖聽下駭物 得以訟巡撫府縣得以訟巡按小官百執事得以訟尚 子 人人得而攻之者固不待言乃有或經按問或經考要 其小大輕重固有等也臣切惟今之内閣六部都察院 曰使使者布列展位分委衆職隨所使令而皆適于用 謂大臣講讀基諫所謂重任近年以來三司 既

尚非其人不宜溫置既授之任必重其官近日講官小 不秦臣又見經進乃講道之地與朝著不同故凡奏對 當立案臣請自今以後凡有 屈抑止許據實自陳本事凡 非聖世所宜有也凡嫉拾原問律有明條不干已事例 立之間者以聖賢之道在焉故也官不必高所任實重 前以示優異此祖宗定制而古之大儒猶有致議於坐 之時雖師保大臣必行跪禮惟講官拜稽之後立講于 懷挾些您故為誣戦者緊勿施行無幾委任得專體統 懷薩堂某

特命差錯一二字不必來說欽遵至今即是故事臣思 講道之禮而有司律之以奏事之儀自開設經遊以來 史二員給事中二員序班二員無所謂糾儀者先帝臨 未曾有此臣伏覩累朝所定儀注止有侍儀官六員御 文侍講商良臣等進講差錯不聞斜刻朝廷亦不以青 銀河四月至書 有遺誤逐遭斜劾荷蒙聖恩持置不問是朝廷優之以 劾之官臣又伏見先帝念通政司鴻臚寺奏事繁難 極嚴奏對御史等官不敢毫髮縱負而如大學士陳

籍者着該部行取等因奉聖旨是欽此續該吏部題簽 講讀之解動以干計繁又倍之臣請自今凡進講時一 送到公文該內閣題暴修騰録官員內有事故回還原 奏為纂修事弘治元年閏正月十六日順天府宛平縣 仰成陛下優禮儒臣之威意斯文幸甚 二字差錯者照先帝所降通政鴻臚恩例勿得斜劾以 以為經延之職較諸通政所奏鴻臚所引事體尤重而 辭免起復祭修奏本 懷徒堂集

修謄録官員在京住坐者移文行取等因奉聖旨是欽 難不便鞍馬雖欲題勉超赴實有未堪伏望皇上俯賜 哀告餘生疾病交作右股及足向為寒濕所侵行步製 金吾左衛右所軍籍在京住坐有父李淳於成化二十 多定四届全書 矜憐容臣在家暫得調理俟制終病愈之日 即當供職 二年十二月二十日病故臣照例依墳守制近經一年 圖補報臣不勝感荷天思之至 欽遵備行到臣緣臣原籍係湖廣長沙府茶陵州人 卷三十九

東陸芝展	

· 懷麓堂集卷三十九				多定四年全書
至三十				
九				卷三十九
				_ =

欽定四庫全書機差等卷四十三 集部

詳校官監察御史臣范 東

中書臣劉源溥覆勘

楼野官待記 日 到 淡 總校官編修 王 燕緒

烈之作有在西聖或其可學	言以醫戒行心思懲嗟此之人孰可為以醫與歲子是既	文稿二十	飲定四庫全書
	與成戒則必持懲	李東陽撰	

堂式警爾心君親有訓師友有箴君子弱哉無廢寸陰 畫曰人其己若是謂自賊晶哉君子成兩令徳式瞻爾 金分四月日書 必專執則必固惟四勿為惟五弗措曰吾弗能是謂自 執其各形践者聖質變者賢成己成物責斯盡馬凡我 同 惟天生物物不相有惟人性同無或薄厚中脫末推疇 胞覆盡必均一 徳不備如身常飢渴居必仁宅行以義路志則 成際箴 一物不成如手足弗仁樞機在躬先本 卷四十

ラくこう ここう **會臭獲麟漢更與於絕爾于經假爾于律嗟哉管城敦** 止乎止過則邈不及則避學止乎中人止乎聖彼預弗 工熟拙用之者人慎爾勿忽 而其未底而不可以己而 .猶不可以竟聖有方道無徑顏之希途則正止而止 筆銘 紙銘 止縣蔵為汪希賴同年作 東麓堂保

多好四月全書 於學名其居曰父際其父執方石謝先生為說而汝修請 能力然後其過成馬子之過多美當取其尤大者六端欲 以白受緇文斯生也以方受割用乃成也制于物而為 予銘子不能銘汝修因取所自皆者為告若汝修之過其 人非聖不能無過過矣而弗自知知之弗能改改之弗 作銘以自戒未能也文選黄公之子鄉貢進士汝修有志 功亦何病其形也 艾森銘 卷四十

爾 輕去玩去諺去您去於志則有餘子力未能子復何怨 于親既倍乃勝豈不易知實難厥行予有六去去情去 耘弗登孔戒克己顏德以貞在克作聖曲能有誠力致 而艾是名家有庭訓鄉有典刑有其一言百我兹銘歸 惟人弗明惟害之萌明而弗彊其過乃成若莠于田匪 という時にふう 同異多寡盖自能知而擇之奚盡待於予言哉銘曰 攸居往服爾膺慎爾出入戒爾寝與君子弱哉靡言 賴越堂私

之心非有所競而人亦莫得而競也銘曰 雄冶父之神怪龍湫之虚幻皆君子所不談麟山之 公墩時議者謂其習氣所發使其有知未必忘情於地 其子鴻臚序班鉄乞予銘諸石縣之近區岩槽山之 金河四屋台門 致亦未足深論彼半山者王荆公之故名也荆公争謝 下予為君識之以贻其後人使知兹亭為丁氏故物君 川丁君繼仁隱士也作亭于銅山之半名日半山亭 丁氏半山亭銘 風

虎龍湫是於龍七虎逝此事長吁亦有龍眠麟山故蹟 以定型車全書 既躍張干雷邪光彩淪落幻術真究九原不作僧有伏 往來其傍西望槽山魏武所駐姦雄 牆長江垂帶法法完完為林長堤曲澗方塘晨暉夕陰 簷閣空繩平度均不可以上吐吞嵐霧凌薄蒼恭俯臨 平豁仰抗高爽羣奇羅列萬象森朗連山逶迤如屏 廬之潜川有山曰銅有亭厥中作者丁公雙覺夾飛層 故墟旋為典午河山猶在俛仰千古歐治遺山鳴金 7 懷旗堂县 爾乾割坤據 金 如

與文汝亭不敬汝山不磷我銘在兹垂千百春 者勿追來者有聞富貴難恃虚無臭陳不朽有圖惟德 半山粤惟安石謝墩王寺名同代隔我來君去誰主誰 亭固存我居我游我熊我發終我齒髮貽我子孫告有 岩蹈陳迹彼豪有知此憾誰釋物各有主古人則云往 客平生英氣所遇成敵終馬一歸誰失誰得今有半山 丹青窈眇千載泉石山峙川流歲月岩奔歸視吾山吾 寓齋銘為博士陳後作 老四

名以文致死殉以器後三百年誰發其私惟名與器神 隨寓而安優哉游哉以歲以年 情我情匪留即以寓我的以為寓奚所不可古亦有言 息游于畫是名朝毫暮無是究是營體物之妙以發我 寓在物視風所寓可以觀德少遊東南壮居帝京藏修 寓形太虚物各有處人亦物耳顧為物寓身寓于世意 不輕界兹幸在子吾於子乎試 欠足四軍全馬 莫職方曰良得晃無谷墓中硯為之銘曰 惟慈堂县

遺产卻陣千軍當與中書君而並録也 樂之宗觀物者盖含諸條理之外而求之制作之中 古有鐵硯兹有石鐘在類雖殊於象則通乃藝之華匪 而傳家不毀於季孫之情補天五色得非女媧氏之所 堪與肇判沙水交泊後千萬年結為玄玉視其質黯 而 金安日人 光叩其聲出然而足琢以成器必藉乎昆吾之刀實 鐘硯銘 柳舎人硯銘 悉 爾

不忘朝經暮書教子義方學有名秩官無素囊捐貲脈 像夸我以鉅章色養志順生娱死傷謂世鮮克孝君篤 周子觀國實登我堂曰世有令德臨江之望視我以遺 鑿深為池修山為月湛玄雲之陰開頡死之窟人間天 上見此二絕餅果日注母我池竭池竭尚巨毋使我月 松華桂魄千載不沒 臨江周逸庵處士畫像賛卷中有張廷祥 瑶池夜月硯銘 文編

含道腴諷刺諧謔皆文之餘奉上不蹈寧我為簡合交 其存其名則彰我解匪誣沿傳摭張後千萬年式的耿 貧辭不受賞謂世利是競而君不有其藏壮遊江湖老 俯首凝顧其神在內發為文章不采而繪外探物化中 歸故鄉謂君于于而衆攘攘國有褒錫家有祀享不顧 不汙寧我為疏君子觀士慎其所趣有弗君如匪華則 張汝弼小像賛

欽定四库全書

基四十

掀髯而笑 豈惟父風朋友之義視公如翁九原可與杖屢其從 是不在其躬而在其後人亦有言為治為弓賢哉黃門 而天道之遠贈典在國公貴則有慶延于家孰謂非壽 魁梧傑奇貴人之儀樸厚靜堅壽考之資胡人事之定 朴庵蕭封君像替 閩李公像賛 ŧ

諛

君貌五圖兹惟其肖替者數十孰際其妙君得我辭

渠公容于于若武而儒公神上征避避 展靈孰為公形 行若不遠衆言若不出口朴不外節儉無茍取其籍也 錫公惟公之功功高望尊公子公孫倬哉公門公氣渠 雕之間西征北徂推羌滅胡勢雄萬夫兹矢形弓天子 冠纓佩琚公在堂居見者必超 公起秦州為千户侯克旅克猶永昌是遷維邦巨藩關 可立其據也可久是無愧乎文獻之鄉忠賢之後觀其 中書舎人王允達像替

敏定匹库全書

耽春墅烟花夜堂燈月冥心探物山川無地以逃形險 國之文章筆陣横霜衛西臺之義縣代屬骨爽鎮馬季 空胷蟠雲夢之九吞皆决位宗之一覺登壇買勇氣奪 伊人矣不如鳥子瞻彼白洲實吾華胄劍光街斗煩南 三軍對客揮毫名傾四座美楊穿之獨妙愧歇食以同 谷營遷木情已應於友求陰鶴鳴皇聲必傳於子和別 目不重肉戒能世守此雖細事亦今之所僅有也 西社别言詩引 東監公具

於雌 無 縣盖已布常恩於周頌又将該片樂於魯詩夫豈徒哉 海吳江載星槎於漢節廬山靈澤輝畫錦於韓鄉顧兹 欽定亞庫全書 語通幽神鬼有時而破膽雪車競怪石門爭豪雖角力 里之際違者馬将通慕路回之言贈念元白之神交越 時言志欲發倚歌之與先慙授簡之才爰萃羣言釐為 非事者匪游觀之是玩諒聚散以何心觸物與懷感 遊於我同志唐臣五術無米風謡漢法六條旁行郡 雄竟忘形於爾汝十五年之會晤夢也何疑四千 春十 四月

之業原 芬於詞苑物非達取類實羣分關地成田八世守宗桑 柏之凋匪後神農當樂者靈品於方書屈子餐英播遺 年易過九日重遭惟前為隐逸之稱而冬乃閉藏之 東籬掃徑慨花事之将關西社傳書念瓜期之未晚百 两卷 孤芳於獨茂脫眾屣於羣紛視請柳之望誰先比松 巴氏 周原已席上題十月賞菊卷 號新田田以前 號揮毫作賦 東島之美 鄉傳南里之風君惟

東增輝問間出色恭惟別駕柳君衣冠望族詞賦 欽定四庫全書 六品郎階已拜三回之命兩年郡駕無書九載之動家 得其所哉佩之以五色之錦囊永為好也念非對之無 馨懷彼照之皇皇詠初遊之秋秋貯之以數切之華屋, 有之是以似之我則知者不如樂者敢将幽意用託 下愧糠批之在前未揭齊楣先題簡首 掇瓊林價高金部分司漕路操出納之平衡揭榜 柳 通判考滿旗帳詞代廣平府作 卷月 雄 微

車北甸省耕門嫁視民飢由已飢斷微明刑處官事 成屬為遷之在行分襟誼重永懷與子偕行卧轍心 欠日日 八十三 州鶴去長隨緑綺琴邊燕市駿來合置黃金臺畔 然誰能禦之醉留貪公瑾之醪持贈之繞朝之策齊 思望關奴如登仙久矣吾其衰也取青紫如拾芥沛 勞皆欲從公于邁蓋季路之别有處而何武之去見 如家事念朱歧之靡定感墨突之未點方偉績之告 門刻夤緣之宿弊名移新檄步報通班拜節南陽 懷蓋堂其

載歌雅曲用記微情 之際恭惟先生淵源舊學經濟遺才海底珊瑚不受 天道立陰陽著六經而為易人倫首夫婦在五禮以 紅蛇之釣雲間舊舊寧歸翡翠之羅虚慚倚玉之姿 稱嘉熟主張於無聲無朕之中而品即於有本有文 金好口唇在重 即若翁兒女重通家之誼每羨凌雲之健筆選傳該 人結斷金之契今夕復何夕麥商 無會面之難吾翁 與潘南屏納徵啓

次巴四東公島 在古則然行福澤於後昆自今其始非陳是恨海納 之多儀少效潢行之可薦禮從宜風從俗幸沾仁里 溪鶴偶雖齊大敢為一旅之辭諾以季聞已荷千 之黃車同軌書同文况沐聖朝之化稱陳編於往哲 念蒙泉丈人之爱爰及屋烏挹蒲陽太守之風緬懷 雪之希聲顧門屏無射雀之才豈霄漢有乗龍之望 之約惟幾乃古之先見而敬則幣之未将記云筐篚 為祈謹啓 悚龙堂集

之曰黔婁非周公也天非薄黔婁也是數說者皆已 然也或曰不如周公之誠且至是以死也吾鳴治辨 或以為天之死之者厚之也益以助名教也或曰偶 馬德明之婦盧請代夫病于天德明愈而盧死說 其死之不幸而不必求其所以死之故如斯而 於鳴治而亦不著其斷何哉予以為君子於前但 取其代死之心而不必責其應否于天於後但當 跋馬義婦傅老

次之四事上十二 凍餓死填溝壑乃嘐嘐然開口長嘆為天下蒼生 書今按此書累有俗筆當非子即真蹟無疑嗚呼讀 矣奚必泥拘拘之迹以尋諸茫茫之境哉不然則此 是詩者可以與矣書不足論也唐室中與為漢未後 憨終不解 子美以一布衣衣不益两肘食不飽 右杜子美茅屋秋風詩質給事克恭所藏云趙子昂 題趙子昂書茅屋秋風詩後 in 愤放堂集 一腹不愁朝 計

哉豈惟開元古之人皆然嗚呼添室婦死狂人病子 卷呻吟之下尚有味于予言哉 其事若近其志亦可哀矣使開元之世海內富無過 塵不生唐之君與相能以子美為心豈有成都之 以箴吾病也要予書一通置之坐隅辨之失盡於 明仲先生營讀許文正公遺書見其辨說數可是足 前半天下孰可與言是計者哉君即病環堵間展 書許魯齊辨說後 卷四 火 足四年在島 曹何賴馬子方恐其辨之未至而何已甚之有矯 重技之做者也其用不過充玩好資議論而已及 過直君子不為惡醉强酒大賢所成在明仲擇之 莫能喻又明仲之必不可棄者明仲若遂閉口則吾 辨可不可之間耳天下之人有若子之愚闍非強 說不得已而已與得已而不已者均之為未善辨 題枯蒼陳氏畫 懷麓堂集

購無寸紙尺素之藏凡持以求題識者無虚旬日至 金与四月人 拙清濁雅俗皆不能逃乎吾目平居未皆費一錢之 外乎吾心口不能指摘年代辨閱名氏而凡為好姓工 愛化干形萬状不可窺測上下數千百年愛而為数十 不習書手不能舉筆運紙而凡為位置高下皆不能 通精神畫亦未可少或放其為道摹擬肖似而極於 至也亦足以攘造化之巧達的明之際感發心志流 百家其所為所見亦有不同而同歸於妙而已予

吾之於畫猶元亮之於琴子瞻之於酒也枯倉陳汝同 次定四軍全書 者實自此圖始 生識之子嘉汝同之好事遂書於其顛志汝同之續藏 得山水圖一卷請于予曰吾將以此藏於家然不可無先 其家燈於火先世之古物無復遺者汝同每痛之一 氏居京師家藏書畫數百老汝同當遊於江湖及歸而 報 懸之齊閣坐即其間後先相代而吾家未嘗無畫盖 跋鶴山魏先生書真蹟 懷越 堂集 t v 日

喪必有勝負則此書當在二三月間作也初寧宗時史 其先世也按宋史理宗寳慶元年李全能楚州制置副 **虞本僕射允文之後故與魏通家書稱提刑者文者盖** 實後失京東州縣此云全往思州不知所為及鼓發許 修撰吴君原博所藏鶴山先生手書云得之吴江虞氏 彌遠 用事鶴山與真西山丹台還朝嘉定十七年累遷 起居舍人上疏言君臣上下同心一德則平居有所 一許國走死五月全襲彭義斌而敗六月義斌死于嚴

越二日又為朱端常所刻奪秩貶請州遷官之命鉗市 盡此疏耳是年寧宗崩理宗即位鶴山進起居即以疾 **飲定四車全書** 之唇若合符即其出處大計固已預定非茍然者觀其 改權工部侍即又力求外任始以十二月出知常德府 求去正祠請事至是為李知孝所劾彌遠猶外示優禮 之患有不可窮者而彌遠始不樂所謂上下不交之 益緩急有所倚仗今則面從而腹誹習諛而踵陋天 稱西山之賢有東南人物凋落之戴則其慨然自附於 快越堂集

崇尚儒碩而真魏二賢贬逐不暇則其為治可知矣自 伸固有不得已於知己者亦未可知也嗚呼理宗號為 濂洛諸賢之意端可想見可謂一代偉人也已然其獻 有所感哉 鹤山去國後國勢日盛一再傳而宋亡觀於此書其亦 諫草之意不合此何見哉或其憂世憤時之志鬱而不 納之餘錄本遠寄汲汲以未達為歉似與程明道秘密

價不可易也馬君善書其實此固宜而刑禮部題此岩 此帖書法真得屋漏痕意當是山谷真筆無疑吾家泉 張汝獨當自評其草書以為大者勝小者予謂英雄欺 翁極通書法省所題識意亦可見古稱名家者固有定 賢者固不可測耶 疑非真蹟不可曉也 人每如此不足信也及觀韓黃門此卷則其大字果勝 跋馬 都之所藏二帖

金万でたん 知為吳興筆也大抵效古人書在意不在形優孟效孫 子昂臨右軍十七帖非此老不能為此書然觀者掩卷 叔敖法耳獻之皆竊效右軍醉筆右軍觀之數其過醉 者為縱屈原曰我人皆醉我獨醒李太白云但得醉中 獻之始愧服以為不可及此其形體當極肖似而中不 醉與醒果趣而同適醉者常管醒者為拘醒者常病醉 可亂者如此能書者當自知之 跋張汝弱書游玉山既醉軒詩卷

傳播是固有幸不幸而亦繁乎其人此卷之傳其賓主 論者曼引波漫各極其趣將君其有擇乎此邪然世之 為非善飲者人之趣固若是異哉事或出於偶然或成 此軒及卷若甚醉者其與致風態固出一時要非有意 於有意是不可執一論也張駕部飲酒不過中人而書 文章事業疲志憊力者常患於很沒而一時一事或以 趣勿為醒者傳此皆有託而謂非真語也益次公見謂 在不害為賢梅聖俞安醉賴又手温語蘇子瞻乃以

金ワドルとう 者用是可以為日會質雖然韓退之抗顏師一世而奎 自指授類能有經學以顕固有一及講席而再魁文場 其贈序師召獨慨然為之予未始信也及觀序中有論 方山謂子曰曰會之來講毛詩於師召先生者數月故 以附吴陸二太史之該 之美縣可想見醉不醉不必論也予亦不能飲者書此 好學之語乃知其言不誣師召門生数百人不必躬 跋陳 愧齊送傅日會詩序

越两月子病起遊火德觀為鳴治師名所督得聯句四 止詩人子請接張汝弱故事以隻鷄斗酒為罰竊計數 今年予作止詩詩以自戒門儀以來來約曰止詩亦欲 章鼎儀聞之折簡告罰予謂罰我固當不宜獨先若君 日 欠三司巨八百 止今春欲止今春止未真止取止詩來止我止詩合寄 朝獨岸然不為下又安知今日無豪傑如習之者出和 後必有縛鷄載酒而至者遇儀固未當止亦不承盟 書鷄壇清話卷後 N. 懐越堂集

受罰馬初鳴治師台之見督也曰第為之即有議君後 鼎儀所致凡六人鼎儀乃盛為席以樂客於是分韻賦 越數日明仲夜歸來醉作序其文雖工事或未合予撥 詩劇飲盡醉所謂勝負賞罰者皆不能辨亦不必辨也 者吾二人實任其事至是果以猪紅三斤蛤蜊數十相 本不承盟予亦無獨盟之理鼎儀執不置乃以鷄酒往 其顛末以書於後俾好事者有考馬 明仲間之曰此佳會也盡却他故赴之而亨父亦為

不倦愚得當鳴治益仕時以名節問學相勉督奉奉不 藏之王城論詩一字隻句必相銀鍊雖數千里外答問 論致仕書及王城與鄭黃巖載道詩十首鳴治皆歸 復凡為書及詩若干通其二通則愚得與黃文選世顯 世修故王城先生世懋筆也思得致事歸自實慶王城 以科舉往來江浙間鳴治亦當以省鄭還鄉里離合往 吾友謝君鳴治視予家藏墨跡卷乃其從父愚得先生 欠こう言と言う 謝氏家藏墨跡卷後 盐堂县 而

多矣而况乎親炙之者哉而况乎世守而永慕之者哉 客口他如作那之方畧分縣之利害出處之節藝倫之 見盖於是俱有感馬告范文正與姪帖以身不管利 也予方南歸遇於流河驛至金陵愚得留江上十日 同舟西邁別于長沙之滸王城予當序其遺詩而不獲 金好四月在書 及此者解矣謝氏之多賢其固然哉愚得之再赴實慶 陳焊得之銘于坐以自警私淑之益予得之鳴治 無所不備盖自近世科舉之學與父兄師友之教能 敖 四十

火工可具公路 匹夫可以為富大理公竟以貨死其守可知感樓世守 予聞不仁者不可以久處約約而無所守茍有才智雖 獲貿易計歲增月拓前後積數十載始充然有餘貨馬 之家益貧感樓教授鄉塾僅足供朝夕稍以其餘為 此其手帖也公之子復庵處士某及其孫感樓先生美 姑蘇賀氏本貧蓋自大理公已然至乞蠶穀于鄉先生 因為題其卷首而歸之 書賀氏先蹟後 7 粮港堂集

身以示其子孫者固亦有道矣感樓得此帖於採蓮 先訓食必其力故其起家亦若是難也知大理之所 而慮其處樂之不易也書之以告其後人 用其極感樓方怪怪此帖比之無恤之簡則 之人富者恥貨其祖貴者恥賤其父擀匿套詞無所 俞氏其子解元恩上京師出以示予予感其起家之難 **貨與感樓之所以富則其繼與守也其容以易予哉世** 跋 謝氏逸老堂詩卷後 所以 做 其 不

徜徉客與於山林之下似若甚逸然而修宗譜築祠亭 自 則其心與身亦未始逸也是先生之逸不以欲樂 建義學議鄉約作敦與會見諸詩歌文字問者無虚歲 所累乎其心固未始不逸也及其功成志遂引身而退 湖 逸有二義書曰作徳心逸日休以道言者也又曰不敢 火已四東至 南時賦訟之外雖細事小役亦風計夜會寢與食有 暇自逸以欲言者也君子盖有擇馬思得先生作 不暇然謀身無 ŢĮ. 蹊徑與人無居谷田廬妻子之計無 懷差坐集 郡 以

食得頭養之道自歸黃嚴間其風神健爽視曩告益倍予 者乃 夫子之道而樂二者心戰戰勝故肥今先生無政之憂 貢 甚喜之告有若問家子賤曰子何瘦馬曰憂官政也子 道寧豈非古君子之心哉先生素多病能慎言語節 金以口人人 有道之樂康寧壽考益其所當得者此予所以喜也或 夫使其道足以勝欲則所謂愛者豈足以害具樂哉井 問子夏曰子何故肥曰吾出見紛華富貴而悅入聞 謂先生居江 A 湖志廊廟初不以進退壯老易其志 飲

Car Base	a produce a service de la companya				STATE OF PERSONS
Caronac Litas			言也	生素不予鄙聞予言必曰吾姪知我非共	生所居有逸老之堂予從大夫士為詩
To the second				聞予言	老之堂
懷慈堂集				必日吾	予從大
7				姪知我	夫士為
	; ; ;			非其友	
1				具友莫宜為此	因鳴治以達先
				此此	先

懷權堂集卷四十				金豆四月五十
水卷四十		İ		E.M.
				老四十
			•	

金分口月全量 于壁暇則閣誦至貫穿無遺自是下筆滚滚時出奇句其鋒 甚銳回憶最時不此之好口雖不言察其有悔色也昔黄山 谷謂坡光日有文章名一世詩不建古人者而彭淵材恨的 美相並以有所掩然則人惡以多技為哉若吾師召殆不欲 集所傳諸作當世亦豈多得不足信也夫天下無兩似之物二 子固不能詩自今觀之子瞻豪雄浩瀚决不出山谷下子固 獨于詩雖能而不甚好人有乞者不得己應之朋軍投贈多 不裁答領之而己去年偶閱杜詩有所得乃揭其近體為目 卷四十一

卷而其所為詩在馬詩家者觀之則其言之誣不誣可 老筆意 知也 詩乎師召既悔倡和之晚乃輯所往還者得若干篇為 以詩掩其文故稍振主角而亟自韜晦乃委於朋友之 肥級有骨瘦欲有肉此山谷論書語今觀此帖當識此 助 ろうして シュー 如此序所云者噫以予之間劣何所不賴於友而况 題山谷墨跡後 康慈堂集

氏所藏者吳太史原博攜至京師予得而觀之嗚呼天 右宋李忠定公書一張忠獻公書一趙忠簡公割子一外 下所由亂賢如忠獻實與為之泰發雖與持議禍至死 君子而屢於不能用然其君子亦有過為秦檀首惡天 下未有不用君子而治不用小人而亂者宋之哀非無 小帖一品太保安老李恭政泰發書各一好蘇沈啓南 初不能無然政之屈此其所憾者吕非紀才仇視諸賢 書宋諸賢墨跡後

存哀哉 惑說問至悉變其所為則所謂君子者亦不能同志教 也晦巷謂明大義識事理惟忠定兼之益雖張趙不能 力自貼矛盾之患何怪乎國勢之不昌小人之禍未珍 不各有長短日李而下其器可知也然使其志論獲行 無足深論忠定再能乃由忠獻忠問雖與忠獻合而優 小大畢用皆當有益於世今觀其尺書寸礼皆國家天 スニーミニニ 下事也卒令厄塞困頓齊志以沒國亡世改而其辭獨

感激奮厲什志倍力争劾用以致太平名臣碩輔照耀 先後尚可指而知也湯語曰克終厥散惟后泰誓日天 音益其先臣穆舉進士時所得者也文皇帝聰明神武 閱名籍慰勉敦勸至僅動諭諄諄教戒其至如此故皆 臣獲從應天府尹臣魯崇志伏親我太宗文皇帝之徳 求賢圖治汲汲若不暇凡所策士既為親定甲乙復自 佑下民作之君作之師益人君之在天下有師道馬湯 恭題魯府尹所藏先朝勃諭後

實全有之以至於文皇不承大烈赫乎洪武之風也臣 祭宸書麗藻後先輝映皆足以仰承而不愧於是知聖 教所及三十年如一日以至於今又四十餘年矣聖天 武而下雖英君誼辟鮮有與於此者惟我太祖高皇帝 人子のまればから 穆歷官監察御史按察愈事都察院右愈都御史始終 三事之如一章皇帝之德教與都處之澤其在崇志克 子之所簡用賢如崇志者謂非聖教之所遺乎民生於 一節克稱能臣宣宗章皇帝之褒勒英宗齊皇帝之悼 快强学集

鳴呼亨父先生不可作矣其遺詩在文量職方者予泣 引而承之美翅異世雖十百代可也謹拜手稽首題其 後 生気であるる 同先生之聲哉然於先生之心則不敢有異也言異而 予從方石先生倡和得此卷愧齊題為同聲集予豈敢 心同則其異也不遠矣 書同聲集後 題張鴻洲遺詩後

人心り見るかり 楊公圍爐對酌東陽適侍几席公命作圍爐詩撰五言 東陽童時遊京库四明你先生實掌教事問與今翰長 見之也 公官翰林每見所作稍稍當意報加兴借今又且二十 而觀之清古翹拔無一字犯俗雖偶書旁集若精擇而 後得者世果有仙乎吾亨父死必為之惜乎吾不得而 一首公覽而費之因聚以去越五年東陽四進士獲從 書園爐詩後 懷其堂集

歎寧知聽北之質終、不為九方皐善相之累乎昔蘇文 士詞翰而是詩在馬公日吾於是時已待子於今日矣 忠謂文章士各有定價先後進相汲引因其言以信於 世則有之至其品目高下付之衆口非一人所能揚抑 見於今之世久矣而東陽聰明不及方百倍韓昌黎之 以大方先革由為汲引以俟其成此古君子之盛心不 東陽寫自念樸多幼稚之資僅晚聲律此兇童恒事公 年東陽将滿再命矣公偶語及之因出示一卷皆名卿

哉竊用是懼思有所勉進以副公望而未能也姑識於 是公於東陽雖日汲引之不暇亦安能使之自勵於進 名能古文歌詩然稿成輒棄去及第為翰林著作甚富 卷末更二十年觀之使公不自悔其誤則東陽於公庶 嗚呼此我外舅蒙泉先生岳翁遺稿也公在國子時已 乎可以無愧矣 入内閣典機務攻曹石罪逆得禍幾死戌甘之行第宅 欠こりまといかり 書紫鈞類博稿後 陳慈堂集

我同年知府陳君道刻於金華名日類博者存公舊也 摘残草手自腾識越十有餘年始克成編為十老乃屬 中出守興化以去及致政家居檢閱舊稿存什一而已 為勢家所奪書册湯逸委不復顧比召歸又為護娟所 雖相為用亦各以其盛者稱而其之或無固人之難亦 夫文章事業大抵與世運升降而亦存乎其人顧二者 **畧不敢就次乃與公門人潘君辰李君經稍加搜訪或** 国员四月百言 公既屬纊東陽以治命拾遺文得於其從子坪竊懼闕

文記の見なかの 一 造物者之所新也公少以經濟自許天下亦以此望之 為世重今之世有如公者雖片紙隻字人固當實而藏 是以白於世因奇偉壮麗炳朗震耀斷斷乎不可沒也 者以歸於文而又不幸死矣故功烈震一時氣節益天 點於外亦無暇乎所謂文者既老且後則斂其所欲為 入翰林雖以文顯而非其志及得政行志會不顧私再 可謂難矣且古之文章亦必其人有道德行義始足以 下而文章制作有餘力馬况於放闕失畧之餘哉然執 粮益堂县

亦後生者之責也公於書無所不讀葉文莊墓銘載經 在河口居台門 為真蹟也東陽義歸茶陵詢府君裔孫旭政獲親手抄 疑數卷已逸去者皇極新解未及就深衣養誤一卷藏 之况其所存焯焯如此哉然則公文之闕固造物所新 於家以俟續有得者并刻馬 博為求得之此二詩家集所不載且無圖印然固知其 右希遂府君題畫絕句二首枯茗深澤所藏吳先生原 希遽府君二絕的後記

詩易二經皆貧無書時所録楷法精甚諸族所藏大書 謹藏之以遺子孫來者其勿褻哉 各一而無畫崑山許神鴻高所藏鉅卷皆元諸人詩翰 右希護府君題朱澤民山水圖長的真蹟有名及字印 陽舊未有藏忽得此不啻拱壁先學士公實與見馬命 行草亦適逸含古意雖小大不類然其結構則一也東 此其一也原博吳先生見而說之日此在子卷不過三 希遂府君題朱澤民畫長句後記 夜屋堂集

所以存故實彰奇異使來世益愛護永不散失而二先 海月卷記即可致矣記成而詩果至又数日陸先生魚 三十之一以為十金之饋乎他日以諾告且日為我作 十之一無之不為關在其子孫則千金之實也子何惜 動灾 四届在書 寸即禮於其上親者不能辨其為二物也嗚呼干将鎮 不能不為之無然况為之子孫者乎軸頗舊不復装師 鄉十載離合世間此事似亦有鬼神之力雖府君有靈 伯以澤民畫一軸為贈上有空緒取是詩校之不爽分

益少指被而議此又可乎哉予不深於畫每嗳路南之 為雪中物耶亞卿楊公貫之得此卷於趙中美氏趙與 生各題其傍以識其所從得云 詩見其屋烏若無不可愛者故為一辨 之能畫家者流乃以分寸絕墨指而病之豈未知芭蕉 沈啓南以詩畫名吳中其畫格率出詩意無指寫界畫 沈有連當為真筆近吳人所携屬本充人事似此卷者 Carlo and history 書楊侍郎所藏沈啓南畫卷 懷鼓堂集 れ

警也南山官郡侯治劇地紛輪鞅掌之餘乃託與郊壑 鱼英四月在雪 志宣導沈鬱而不出乎名教之外嬉子嬉乎吾不得而 謂嬉者不過載酒濯纓振衣長庸采之放鶴以陷寫情 戲不虐君子所與張而不犯雖聖人有所不能且今所 東坡三適山谷四休皆有詩適以處變休以養生事異 解殊然皆達人君子事也陳南山六嬉之作其做諸此 平或謂嬉之言甚於休適非良士瞿瞿之義是不然善 書陳大參六韓圖詩卷後

多得其畫而罕見其書虞邵養謂其文為畫所掩書固 未服論也今存復集刊本有大星記跋載予先提舉希 御史姑蘇朱天昭視予以其高祖存復先生澤民手書 者稱為善作予又推其義如此 寓情幸布與夫野林叟相倡和益又以文為戲者也戲 不以物而以文其為嬉也不尤善乎詩自有序論體裁 卷益范石湖四時田園雜與詩也先生勝國名士世 跋存復先生遺墨 康星近点

遂府君事予家亦有府君題先生遺墨予與朱氏雖稱 士盡在選中而拘於律體亦未有能出石湖之外者宜 金足四月全書 詩賦實用春日田園雜與為題乃四時之一時東南名 又豈獨以詩而已哉予又聞天昭有睢陽五老圖真蹟 先生之重是詩也况天昭之於世澤有念祖修徳之義 通家可也石湖集世不傳浦陽吳清老當作月泉社為 湖是以往其世澤尤有甚遠者尚當於他日考之 題姚少師所書劉太保詩

法眼者不知作何等觀也好書此以俟 業其改名廣孝世傳以為御筆所定也两彩雖遺際不 持以視予两翁皆天下奇士其學予則不能知後有具 立國為國朝驅除今京都地是也姚蘇州人名道行號 劉瑞州人名子聰號減春居士改名東忠佐世祖建號 同迹頗相類觀姚書劉作有契會之意為程錦衣用明 逃虚老人洪武間以高僧徵事文廟潜即參謀賛成大 **ているいろいろう** 元劉太保詩一絕國朝姚少師所書也劉姚俱隱於僧 東張芝東 1

流寓所當表見東陽乃取舊本屬廣陽劉瀚水嘉趙式 想定四届全書 貞伯所録次以舊序若干篇惟劉某序隸字多關無所 刻無知者比吾友顧君天錫知吉安謂東陽曰此吾郡 録而永新俞十户懋所刻也東陽省墓時俞氏已絕板 即墓表所稱自立者字畫瘦勁有府君家法益其所手 右我希護府君詩文集十卷家有舊本云男位編集 分録之國子祭酒方石謝先生為序則大僕少卿李公 歌書雲陽集後

徵所減清明上河圖跋尾真蹟盖令第十卷所載後有 平觀吾李氏子孫其敢忽諸 印曰不二心老人此平生所未聞者府君之志又於是 補其残外并以近所得於枯着深澤蘇州許翀者古詩 從質會禮部主事楊君謙來自蘇州以録本見遺因得 RALIDING LINE 碧落碑石本吾子行所藏自云手補首行五字及十五 絕句二及近時大夫士題識附馬近又見朱大選丈 書碧落碑後 帳歷堂集

三十餘字豈模搨先後互有異邪古刻沒不完此固可 葉一行之關今觀補字非子行不能作也獨其跋語謂 質而子行之家伯温之禄與楊宗道之楷書宋潜溪之 去數月後偶檢舊藏而得之則首行固在而其中乃闕 體者得之益其妙在筆不在體也比帖數傳至陳刑部 明之子皆見此刻久不復識手臨二本輕為好事者取 題跋皆不可得已明之其水實之 以籀文歸小篆為妙絕恐未必然周伯琦疑其雜出諸

禮部尚書青崖耿公以家蔵公贖示予其一為其祖汝 氏者三世矣戶帖稱耿氏為儒籍益因元之舊而然按 刑部右侍郎成化間以孫貴加贈南京禮部尚書居盧 諭永樂初卒於官宣德景泰問以其子清惠公貴界贈 先出鉅鹿徙居平定至公復給帖領舉為河南盧氏教 明公洪武初所給戶帖其一則山西鄉舉公據也公之 元史選舉志分天下為十等儒居其九君子於是知元 書耿氏家蔵公牘後 恢楚堂集

一個近四月至書 是不獨見耿氏之興也且趙氏之間三年而已失之唐 益昌予然儒之道至元為極晦而在我朝為極昌觀於 史官為祭酒為禮部世守清白為儒流冠冕公之澤其 登華陟要不愧為儒播在天下著之國史今青厓公為 收益亦難矣及科舉法行公即以儒起家以答其子孫 他歧異術所泪又幸而不惟於坑焚之厄以待圖籍之 **补之不長士當是時非大家世族而能以儒為籍不為** 再世為尚書者國朝不二三見清惠公之康德重望雖

大王Dust Side 而今亡矣米稱顏柳挑踢用意太過無平淡天成之趣 右米元章跋顏魯公真蹟顏文益為節度李光顏作者 為神物可設使永為家廟之實非偶然也因併識之以 部之大是快在侍郎周公伯常解舎卷歸而解爐意其 與累朝語命相表裏其所關亦大会哉于又聞今嚴禮 之告身或不再世而已為貿物之具令公方實襲是快 示其後人 書米南宫真蹟後 楼建堂县

金少口人人 言者屢屢言之時亦過矣蘇東坡皆言書至顏魯公天 書為超逸入神而米對神宗皆蘇為畫字其取舍又各 右溪山風雨圖一卷無題識有私印日容齊清玩官印 下之能事畢矣蘇米皆名家而其言若此何哉蘇稱米 固宜乃以為後世醜怪惡礼之祖其所遺書曰海岳名 不同不可知也發養蘇學而藏米帖謹以是質之 日紹與省試總轄諸司印按宋洪邁號容齊在理宗初 書溪山風雨圖後

畫之妙者人必以為似真江山之妙者則又以為似畫 為何人今為庶子吳君原博所藏也當記容齊随筆稱 道人令私印所家者任元為集賢待制所稱皇好為元 R AL DUST CIAMID 公主則此卷又為元外戚家物又有李氏珍藏印不審 詩奉大長公主命題子振吾長沙人號海栗又號怪怪 府相公所蔵意者為洪氏物又有皇好圖書印馮子振 此世間常語今觀此圖凡溪山草木人物器具皆風雨 以全章閣學士知紹與府此卷有紹與人王某題稱知

聲集於是先生之聲益高而予之不可强而同者益遠 方石以纂修命再入官所與倡和义若干什題日後同 宋元之江山皆不能有而此圖方入盛世為大夫君子 矣然先生益不予鄙所以與之者甚厚是其所以同也 果有不係於聲者予或者又以為言乃心之聲有不容 藏幸觀物者不以真幻為輕重可也 也論畫者殆将以為真乎使其固幻然歷二代數百年 書同聲後集後

法斷之 といういちないない 筆墨蹊徑外真坡老所謂活水也吾不識畫格直以書 右馬遠畫水十二幅狀態各不同中間江水尤奇絕出 以報之 予而南益将與愧齊同其聲集成幸以寄予予則為京 以不同者則予不敢以不勉也先生拜國學之命将棄 書馬遠畫水卷後 書家的所藏黄華老人真蹟後 恢蔗堂集

論者謂其官次不在米下此詩已斷裂不能讀而字書 字子端號黃華舉進士官至翰林修撰書學宋米元章 天全翁徐公所題皆在馬老人本金人姓王氏名庭药 然而天全此書亦奇偉絕俗雖稱三絕可也某将南歸 道送可玩家的題五字筆意渾成天全併稱為得意信 時家翁指此書謂曰子至姑蘇必見此翁某未至數日 右黄華老人書三十三字吾外影家翁先生所藏翁及 而翁已卒歸見蒙翁已即病不能語嗚呼異代不足論

哉可勝慨哉 既沒卷藏於從子坪後十有七年某乃獲見馬三復展 我紫翁所藏松雪西南夷圖後所識子品二字及碑目 詩後題百餘字亦我翁親筆故自可質畫不必論也翁 Va. Frank Kidain 玩不知涕淚之交頭也 小字皆非松雪書益臨本也卷中有潜溪頭卷两先生 翁雖異尚殊見皆益世人豪而亦不可作矣可勝慨 書家的所藏西南夷圖後 煉盤堂集

鱼是四月石書 之因為題其後云 名而傳世甚少宋宣和書譜所載惟此而已今唐帖如 有子九人世所稱九牧林氏者也藻貞元七年進士當 試珠還合浦賦人謂之神助官至衛南節度副使有書 歐虞頹柳世所盛傳者皆不復多見况其餘乎此帖僅 右唐林藻深慰帖藻字緯乾莆田人父披為饒陽郡守 紙歷數百年而不失可謂難矣匏養具先生得而藏 書林藻帖後

文定公祠堂記十二字档書記文一通詩践各一首書 三絕可也原博博古能文且精書法其以予言為将無 家者流所謂人品高師法古者殆兼有之此危太樸家 固不供論而王荆公詩筆亦與近時俗學不同雖謂之 記及跋旨先生所著文意高雅臺記出文定世所傳誦 物屋傅至左庶子吳君原博盖百四十年於今矣祠堂 右虞郡庵先生八分擬峴臺記四字蒙南豐曾氏新建 書虞邵庵墨晴後

一欽定四庫全書 末以俟後來君子 與廢屋矢子過岳時吳都憲與壁吳太守行驗實修之 見之天下之大觀於此馬盡自唐以後數百年兹樓之 又出三絕之外詩所謂尚有典型者寫有版馬姑識卷 同乎卷尾有黄晉卿題名宋景濂陳衆仲吳師道跋語 眺武昌之黃鶴溪陽川樹可俯而數也溶海吾不得而 江漢間多層樓傑閣而岳陽為最洪都之滕王西山在 書岳陽樓圖詩後 2

姑述其所見如此 為詹三疊棟守新構而陷級不具未可登眺洞庭之波 賦其上予欲效之而情與荒落才力弗稱竟不能就也 太守謝君道願得此圖寓至京師學士大夫能詩者多 世所傳圖畫而不得再至其地未當不恨然感之河間 其高而重覆之今存者僅二疊然其雄偉固在也每觀 濤浸乾坤浴日月含枯萬象者第得之舟中顧望之餘 不能無憾比比歸聞樓成而雷火碎其上太守懼稍損

懷麓堂集卷四十一				飲定匹庫全書
				卷四十一